

Ballau. IT-Alert: su sistema de allarme pùblicu, chenàbura 30 de làmpadas 2023 s'isperimentatzione in Sardigna



Sa Sardigna partètzpat comente regione pilota a s'isperimentatzione operativa de IT-Alert, su sistema nou de allarme pùblicu pro s'informatzione a sa populatzione. Chenàbura 30 de làmpadas bia mesu die, is persones presentes in su territòriu isolanu, cun possibile interessamentu de is àreas lacanàrgias, ant a retzire in su telefoneddu issoro custu messàgiu de testu:

“AVIIS DE APRETU. IT-Alert. Custu est unu MESSÀGIU DE PROA de su sistema de allarme pùblicu italianu. Una bia operativu t'at a avèrtere in casu de apretu grave. Pro informatziones còmputa su giassu www.it-alert.it e compila su cuestionàriu”

Ite est IT-Alert? Est unu servìtziu pùblicu chi, in is casos de graves apretos o eventos catastròficos imbenientes o in cursu, imbiat messàgios de testu a is aparatos de is persones presentes in is àreas interessadas. Gràtzias a sa tecnologia cell-broadcast, su sistema IT-Alert at a cunsentire, una borta operativu, de lòmperre a totu is telèfonos tzellulares allutos localizados in una àrea geogràfica determinada e tando in manera potenziale interessados in s'apretu o in sa situatzione de perìgulu, fintzas in casos de campu limitadu o in casos de saturatzione de sa linia telefònica. No ant a pòdere retzire is messàgios IT-Alert is aparatos istudados o in ausèntzia totale de campu. Su messàgiu IT-Alert at a cuntènnere informatziones ùtiles subra s'iscenàriu de arriscu e subra is relativas medidas de autoprotetzione de adotare a sa lestra e at a èssere notificadu in s'aparatu cun unu sonu de allarme.

Pro àteras informatziones: <https://www.regione.sardegna.it/notizie/it-alert-il-sistema-di-allarme-pubblico-venerdi-30-giugno-2023-la-sperimentazione-in-sardegna?fbclid=IwAR3nIWJbM8npbYW3bkdD0cy-WI27dSHVso95QkZDrEoB36IjFMDH9oXEOzk>